

LE
SONGE
DE
l'Emouleur.

M. DC. XXIV.

Case
F
39
326
16245

THE NEWBERRY
LIBRARY

Emmeline

M. DC. XXIV



LE
SONGE DE
L'EMOVLVR.

QUE de tintamarre à la
Cour, que de folie par-
my le monde, bon Dieu qu'il
est heureux qui a dix mille li-
ures de rente bien acquise, &
qui loing des affaires des grâds
passe ioyeusement sa vie dans
les villages, que de drollerie
i'ay veu depuis trois ans, que
de changemens, que de disgrac-
es, que d'honneur sans pro-

A ij

fit, que de profit sans hon-
neur ; Par ma foy i'en riray
le reste de mes iours : he ! qui
n'en riroit puis qu'il y a de-
quoy rire , pas vn ne perd
qu'un autre ne gaigne ; si cela
continue , ie ne donne pas le
reste de ma fortune aux chiés :
Ie pourray aussi tost paruenir
que les autres ; joinct que les
seruices signalez que i'ay ren-
dus & que ie rends tous les
iours au public m'appellent à
quelque dignité : Il n'y a pas
vn Sergent qui ne me cognois-
se : Tous les cessionnaires me
doient vn tribut de cinq sols,
ce qui me faict esperer de par-
uenir, le Diable n'est pas touf-
jours à la porte d'un pauvre

homme ; le ſçay lire & eſcrire,
ce n'eſt pas peu : & quoy que
ie n'aye pas la cognoiſſance
des grandes affaires, les affaires
font les hommes, & les hom-
mes les affaires : en toute cho-
ſe il y a commencement, qui
fait l'entree fait le tout. Il n'y
a iour que ie ne regarde à l'Al-
manach pour voir le change-
ment de tēps; car i'eſpere qu'à
toutes les nouuelles Lunes il y
aura de nouuelles charges,
Dieu garde de mal mó Prince,
ſ'il va ſi ſouuent à la chaffe aux
Renards, ie nourriray des pou-
les ce Careſme pour auoir des
œufs à Paſques : iamais Mai-
ſtre Martin ne fiſt mieux que
de donner l'inuention de ce-

ste chasse, car par ma'foy c'est le plus grand contentement que l'on peut desirer, les Païsans n'en sont pas fâchez, & ont bonne esperance qu'après la chasse des Regnards le Roy pourra aller à la chasse des Loups pour mettre en paix les Agneaux. J'ay bon besoin que le temps se change, car par ma foy ie ne fay plus rien de mon estat; J'ay veu que l'on m'apportoît souvent de grands cousteaux de cuisine pour émouler, mais à présent rien du tout; le ne sçay si les cuisiniers sont morts ou si la marmitte de leurs Maistres est renuersée, tant y a que cela m'afflige beaucoup,

& ce qui m'afflige encore davantage c'est que Pierre du Puys trois iours auant sa mort me dit que l'on vouloit eriger nostre estat en titre d'office, & qu'il s'en faisoit desia vn par-ty. Par la vertu-bleu si cela estoit ie jetteroie ma boutique à la riuiere, aussi bien n'y auroit-il pas grand perte, & changeroie ma vacation en celle du mestier de tescmoin, encore qu'il y en aye beaucoup, en attendant vne meilleure fortune: A propos de la fortune, c'est vne creature qui faiet bien parler d'elle, veu qu'elle n'a point de temple en France comme elle en auoit en Grece. Il faut bien dire

qu'elle se plaist de soy-mesme
à gratifier les vns & infortu-
ner les autres: mais ce qui est
de bon à mon Prince & qui le
rend tant plus recommanda-
ble, c'est qu'il se contente de
punir ceux qui luy font tort
par leur seule absence sans leur
faire aucun tort en leurs biens,
ce qui me fait dire que leur in-
fortune n'est point infortune,
mais vne fortune fortunée,
qui apres le trauail les appelle
en repos. Plust à Dieu estre
riche de cent mille escus, *ab*
hoc ou *ab hac*, & que ie fusse à
cinq cens lieues de la Cour, ie
ne m'en soucierois gueres, ie
ne reuiédrais pas pour émou-
ler des cousteaux. l'ay songé la
nuiet

nuict passée que i'estois Ma-
 reschal de France, mais ie suis
 bien loing de mon compte,
 car il y en a assez sans moy,
 bien que ie n'aspire pas à cela;
 Toutesfois c'est vne chose qui
 se peut faire si le Roy vouloit,
 l'on perd beaucoup de chose
 faute de le demander (ce me
 disoit ma femme) hazard, mais
 ce n'est plus le temps, ce qui est
 fait est fait, il y en a qui s'y op-
 poseroient, comme premiers
 en datte, ie ne suis pas homme
 qui se repaist de viande creusée,
 ny de qualité imaginaire, il n'y
 a point encor de place aux Au-
 gustins pour y mettre mes ar-
 mes, il faut estre annobly au-
 parauant : voila la responce

que ie fis à la Dame de noz
 biens, qui est si ambitieuse
 d'aller en carrosse, qu'elle ne
 me parle d'autre chose, & dit
 qu'il y en a de moindre qu'elle
 qui y vont, que chacun s'ad-
 uance horsmis moy, que ie
 deurois porter le marteau dou-
 ble de pluche, que ce n'est pas
 pour faire grande fortune que
 d'éguiser des ciseaux de deux
 liards, qu'il n'est que de vo-
 guer en plaine Mer, que ie de-
 urois m'approcher du Soleil
 leuant pour estre eschauffé
 des rayons de ses faueurs, & de
 mille autres sottises qu'elle
 me compte qui me font en-
 rager, car si il ne tenoit qu'à
 moy que ie ne fusse vn grand

Seigneur, ie le serois auant
 que le Carême fust passé,
 quand ie deurois prier vn des
 Laquais des nouueaux Fauo-
 ris pour m'introduire aux bo-
 nes graces de leur Maistre:
 Mais quoy, mon heure n'est
 pas encore venue, le ressort de
 mes esperances n'a pas encore
 joué, la patience ameine tout:
 Iean Petit a dit mon Horos-
 cope, ma naissance me pro-
 met des merueilles, les Astres
 influent leurs graces sur moy,
 pour me veoir vn iour d'v-
 ne autre façon que ie ne suis
 pas: Mon mestier ne vaut
 plus rien; l'ay bonne volon-
 té de le changer à quelque
 autre meilleur, afin de gai-

gner ma vie en bien & en
honneur comme font les Be-
deaux , Dieu m'en face la
grace , à fin que ie sois cour-
tisé à la mode qui trotte , &
mieux connu que ie ne suis pas
des Courtisans.

FIN.







